

重脩邢邑志序



志乘卽史體也朝有一統志
省有通志郡有合志下至一
州一邑亦各有志凡山川之
形勝疆域之由來戶口賦役
之增除官制典禮之沿革以

及良吏名臣潛德懿行之可
思可法者莫不畢載焉邢邑
爲畿南名區山水鍾靈英賢
代出土厚民淳化行俗美依
然祖乙氏之遺風舊有志乘
脩自先明南陽朱公肇爲一

書前令杞國高公續脩之亦
極紀載之詳脩矣然迄今七
十餘年山川疆域雖復如故
而戶口日增賦役日廣官制
典禮視前益盛若良吏名臣
潛德懿行數十年之繼踵而

起者更不可勝數倘徒仍其
舊不特載百遺千爲一邑之
缺典亦無以資治術之原委
也余履任之初覩其歷久遺
載輒欲重加脩釐顧以簿書
鞅掌未暇及此庚申秋

郡憲王公來守斯邦首以脩
舉廢隆振興教化爲勸勉余
敬而誌之因周爰諮諏敦請
諸縉紳及子衿謀焉衆論僉
同隨延博雅高明者六人開
館於縣治西 關帝廟分讐

校核闕者補之畧者詳之一
事必索其原一行必求其實
寧樸毋華寧直毋阿因乎舊
而不病其襲續乎新而不嫌
其創自辛酉孟夏起歷五月
而告竣凡邢之偉人盛事舉

數十年來所遺缺弗彰者煌
然足永千古彬彬乎一邑信
史也郡憲倡議於前諸君子
討論潤色於後厥功炳烺猗
與休哉方今

聖天子勵精文治命館閣諸大臣

纂經修史禮樂大作此志應
運而興正當其時然則茲編
也雖不必遺直若羊舌博綜
若龍門而紀事紀言信今傳
後將見邑之君子景往哲而
振新猷邑之小人聞節義而

起頑懦邑之長吏覩生齒之
耗繁酌徭賦之輕重因時變
通加意撫綏其於國計民生
政治教化所關非淺鮮也卽
質之朱高二公或亦樂爲之
後者與是爲序

嘗

乾隆六年秋八月

敕授文林郎知邢臺縣事加二
級紀錄一次洪洞劉蒸妻謹

識



邢臺縣原志序

邢倚郭邑故無志志總於郡乘畧而弗
備萬曆己丑夏誥自東明移邢問俗證
往輒有慨於邑志顧其時弗遑也凡三
閱月適待御何公按部至覽邢之境而
感焉遂下令曰邢襄之地歷周秦漢晉
率以爲國嗣成大都猶然爲八邑稱首

邢臺縣志

朱序

一

非眇區也徒以附郭因循之志非所以
著地靈而昭文獻也况國有史邑有乘
自古記之志固乘之遺乎今直指使者
於古官爲柱下史其職也若邑乘弗備
則史職之謂何古稱事待人舉矧朱令
留心民事而尤嫻於文一時遭際多藝
林翹楚事不可廢人不可失揆數於邢

其千載一日乎勉之哉庶史職亦藉是
以無媿乎誥謹奉今竊謂引重者固宜
勉而前况又策以驅之寧敢後耶乃亟
與邑博姚君輩圖之誥復總其事督之
郡乘參之群史咨之遺老散者聚逸者
補微者顯滯者宣析之爲十二日分之
爲上下卷以辯方則廣袤異勢朴陋異

習志疆域以守國則俾隍是賴關市是
依志城池氣有流峙化有融結物生不
齊往蹟堪弔志山川易其田疇薄其稅
歛顧畏民鼎聿修仁政志賦役政典是
修實維有司不有堂陞其何以居志建
置教典是興實維師儒設彼庠序藏我
典籍志學校明以事人幽以事神祈報

何殷邪正以分志祀典士有師承民有
父母品格或殊咸蒞茲土乃表職官如
其賢也名垂不朽民有遺思祠有俎豆
乃傳名宦賢何由興能何由起興有明
揚士鮮遺佚乃表選舉豈無淑行必有
芳蹟著之典型爲里之式乃傳人物以
至時勢之相推新故之相仍氛祥之相

感不可以弗紀乃作事記其體裁尚簡
其取舍尚嚴毫不敢容以私惟曰通變
趨時宜民之政也是故政有宜因弊有
宜革困有宜蘓利有宜興不能已於言
則時出已意附以論說見志之作不徒
紀事已也庶幾哉仰副侍御公惓惓督
責之盛意而誥之於茲地也亦藉以辨

剛柔而覈淳疵政知所施矣乎第識凡
筆陋僅備一邑之考如此若欲方之史
氏歸之大雅誥奚能之哉

知縣南陽朱誥撰

重修志序

志猶史也邑志所以傳一邑之信者也邢邑附郭在唐虞夏間嘗異之今商為祖乙都周為邢侯國歷春秋戰國秦漢三國及五代唐宋稱地不一其名由金而元明始改為

邢臺縣志

申序

一

邢臺邢臺為順注首邑一火都會也其間徵文考獻昭然可為召如疆域城池山川賦役建置學校禮典召其志也職官選舉召其表也名宦人物召其傳也事記召其志也凡在邑中陸澤之西溫陽之

壯馬嶺之東第山之南地靈
丕著而文憲聿昭莫不悉舉
而記載之惟其記載之所及
召其人而人傳召其事而事
傳召其地而地傳其物
俱傳其郡乘之所存諸史之
所著遺老之所述既以表章

於當時復以昭垂於來禩則
是志也固足以傳一邑之信
者也昔得南陽朱公諸纂修
為不朽盛事迄今召前令高
君顯與邑紳李君宗復取而
纂正之前之所修後之所續
無不詳備於一邑之中惟以

維風俗而正人心寧僅為記
載具文乎哉余筮蒞茲邑嘗
暇舉觀咸覽其金篇方慨然
慕之而李君曰仙釋幻妄削
而不書文獻尚質人物用詳
則其筆削所定直與古良史
爭光矣予續是而起者足所

望於後之君子

知縣申壽猷撰

邢臺縣志原序

蓋天下之所不廢者文也而記載之
文為最天下之所不廢者記載之文
也而記載之事與人為最古今興衰
治亂之原開悴榮辱之故靡不徵焉
是以獻必托之文以永世匪文則古
今上下二三千年之太行大陸鴛水

邢臺縣志

高序

一

龍岡毓秀鍾靈遺媿芳躅多有遺失
竟成闕典何以詔往維邑邢臺依山
憑險夙稱重地名區也入

清朝為股肱上郡畿輔雄藩余受

命來治庶幸致見周秦漢唐宋金元明
八代禮樂之勝蹟亟索縣志云燬於
癸未火矣可勝嘆哉後得南陽朱公

詰纂修二冊至今八十三年未有續
之者余謂今天下一統所在記載山
川林麓不患無志顧有志而物換星
移時非代遷沿革不盡其土宜文獻
弗貴於河嶽生斯者聞之無可以與
蒞斯者聞之無可以觀安在於志耶
邢臺之所以重於今昔者非山川林

邢臺縣志

高年

二

麓也獨以有祖乙之都邢齊桓之據
邢趙襄子之治邢洎佐漢興唐輔宋
開元之數十奇人傑士澤於光嶽足
有賴焉使當時記載者無其人湮其
事不將與太行太陸駕水龍岡上下
古今而二三十年之霸圖王業美政
豐功倏焉雲散煙銷於山川林麓杳

霽之間乎何所徵以重邢臺之今昔也余四年於茲力革新舊之陋規夙弊為民害者數十餘條簿書之暇因脩兵憲臺孔公檄取邢志遂同里人巴陵令李君京握鉛槧而論汗青於疆域山川風俗學校田賦建置官師人物遵舊補新六月而成書用以垂

休光流景燦八十三年而後之賢甄藻而臚列之知人文之盛有以寧王而禎國且衷是非於斯民非有嘉卉梅栗之廢致起勞人志士杞莢薇蕨之思則志所關豈獨邢臺一邑而已至沿革政教損益之宜則德格於法法格於人上與下不共意朝與野不

同情登耗盈縮良窳實虛今昔之別
方與里中賢士大夫共憂而未敢深
言也叅定者太守蕭君嘉熙都事牛
君映斗廣文孟君仲曾攷正者兩孝
廉王君言珂董其事以成者丞薛君
觀生尉李君芬也若夫裒益斟酌垂
鏡攷於無窮是在後之君子余弗能

無厚望焉

知縣祀國高顯撰

邢臺縣志原序

邢故無志有志自明南陽朱公誥始是志也分類準明一統志及府志中多增入以邑志較郡國志例當詳耳今已八十三年矣八十三年後之人之事缺焉未補世遠籍亾考鏡實難昨歲冬高侯蒞邢四稔百務修舉治

邢臺縣志

李序

一

行為畿南最引割之暇式廬以續乘言慨然欲繼朱侯之媿但徵翰旁午公私匱乏開館延儒趨厥斯事恐勞民也又不欲使八十三年後四境故實泯亡無聞不惜傾俸竣役自惟學乏二酉才謝三長歷年雖久百里非遙致令因革損益文獻官聯叩之龍